

## Rivela

Cantu, dicu, parlu e scrivu,  
di lu me paisi di Rivela.  
È sciavurusu e profumatu  
cu cci veni resta nnamuratu.

Cci su li strati logni e diritti  
a lu furesteri ci parinu tutti li stessi  
la via Roma uno dumannà,  
girava ntunnu ma nun la trovà.

Nni lu periudu di l'aranci, nta lu paisi  
acchiana la fragranza di la zagara,  
si inchinu li purmuna e la pirsuna s'arricria,  
cura tutti li malanni, puru l'anemia

A la matina quannu va pi nèsciri  
e nn'avanti la porta saluti a n'amicu,  
chistu è lu veru segnu d'amicizia,  
tu nun si sulu e lu jornu bbonu inizia.

Avemu lu sulì, lu mari, aria fina, pueti,  
cantanti, artisti, viddàni e genti allitrata.  
Avemu fimmini beddi giuvittati  
cu ugna, occhi e mussi pittati.

Chi vuliti cchiossà di chissu?  
A quarchi paisi certi cosi ci màcanu.  
Vennu a Rivela pi stari freschi e cueti,  
cci basta sèntiri lu sciavuru di l'agrumeti.

Iu cci nascivu; di stu paisi nni godu.  
La sira stinnicchiatu nta la sdraia  
ammiru lu celu, li stiddi e la luna  
dicu grazii a lu Signuri pi sta fortuna.

Vi dicu natra cosa zittu tu e zittu iu,  
cca criscivu e cca passavu la me vita,  
ora ca sugnu granni nu vulissi suffriri  
a Rivela nascivu e cca vulissi muriri.

2018 Giuseppe Cardella